

Naunaitkutaaq

Legionellosis

Hunaukmat legionellosis?

Legionellosis aaniarutauyuq pipkaiyuq qupilrumit bacterium *Legionella pneumophila*. Tamna aaniarut malruuknik aatlatqiinik piqaqtuq:

- Legionnaire aaniarutinga, namuuniaqmik uuminngalu
- Pontiac-mik aaniarutimik, angivallaangittuq aaniarut .

Tamna Legionella aaniarutinga tautuknaqtut avatiptikni, imarmilluaq kihimi. Tamna aaniarutinga angikliyuumiuyuktuq niglaumanngittumi imaqmi (uunaqutiuyut imiqtarviini, alruyaqtuqtuni anurhaaqtaptiknik paniupallaaqnaittumik turhuanilu uarutini kuviqpianilu).

Qanuqtauq inuk legionellosis-taaqqa?

Legionellosis hiamitingittuq inukmit inukmut. Inuit aaniarutivaktut aniqhaaraangamik niglaumayumik kinipayumit (mikkannuat kataktunik imaq anirhaaqtaptiknit) imaqmit hiamitiqtauyuq aaniarutimit. Inuit pivaktut ukunannga kinipayunik iglumiknit, havakvimiknit, aaniarvikmit hiniktarvikmitluuniit aullaaqhimagaangamik.

Kitkut aaniarutittaaqqat?

Inuit humaangittuq ukiunga Legionnaire-nik aaniarutittaaqtut; kihimi pilluaqpagait qitiani ittut inuuhiami inirniit iniriniriiniklu. Inuit tahapkuat higaayuktut aaniarutiqaqtutluuniik puvakmini angitqiyauyuq qayangnautimik. Tahapkuat inuit timinginni hakuiqtauuyut aaniarutimit qayangnatqiyauyut (ukunatitut, kaansaaqqtut, sukalgit aukmini, Nuliarniqmut Aaniarutitgit) havautilluuniit qayangnatqiyauyut.

Pontiac aaniarutinga pivaktuq inukni aaniangittunutlu.

Hunaukmata naunaitkuta legionellosis-qaliruvit?

Naunaitkutaayut Legionnaire-nik aaniarutingit hapkuat

- aaniaruvit,
- qaalingahukkuvit,
- qalakuinnaliruvit kiniupangittumik,
- aaniqnalaqiguvit,
- niaqurliuliruvit,
- niriumahuiruvit,
- itiktalaqiguvit
- namuuniaruvit

Naunaitkutaq Pontiac-mik aaniarutiqaqiruvit ilaliutiniaqtuq tamaita qulaani, kihimi naunaitkutingit angivallaangittut namuuniangittumiklu.

Hunaukmat mamihaitjutinga?

Havautit atuqtauuyut ihuarhigiami Legionnaire aaniarutinganik, ilaani aaniaqtut aaniarviliaqtitauvaktut. Tahapkuat inui Pontiac-mik aaniarutitgit havautituqtaulimaittut nakuuhivaktut malruukni ubluni tallimaniluuni ublunik.